

INUIT ATAQATIGIIT INATSIARTUNI



UPA2023/Imm. 40

27/4-2023

Mariia Simonsen

Aningaasanik peqquserluutunik malunnarunnaarsaaneq pillugu inatsimmik, aningaasalersuineq pillugu inatsimmik aamma inatsisinik assigiinngitsunik allanik allannguineq pillugu inatsimmi § 1-imik Kalaallit Nunaannut atuutilersitsineq pillugu peqqussutissatut siunnersuut (peqquserlunnikkut aningaasalersuineranut akiuniarnermik sukaterineq aamma aningaasanik peqquserluutunik malunnarunnaarsaaneq pillugu malitassiat sisamaata (4.) aamma tallimaata (5.) naammassineqarnerannik)

Aningaasaqarnermut Naligiissitaanermullu Naalakkersuisoq

Oqaaseqaat:

Aningaasanik peqquserluutunik malunnarunnaarsaaneq il.il. pillugu peqqussutissatut siunnersuut maanna aalajangiiffigisassanngortinneqartoq 2021-mi ukiakkut partiinit tamanit akuerineqarpoq. Ajoraluartumik Danmarkimi kukkusoqarneratigut inatsit atuutilernissaanut tunngaviusussa q kukkusoq innersuussutigineqarsimavoq, tamannalu iluarsiniarlugu siunnersuut saqqummiunneqaqqippoq, iluatsillugu aalajangersakkanik nutaanik ilallugu.

Siunnersuutitoq nutaartai ilanngullugit Inuit Ataqatigiinnit akuersissutigaavut, ataatsmiititaliamilu sukumiisumik suliarineqarnissaat innersuussutigalugu.